

義烏縣志

卷十三

卷十六

卷十四

卷十七

卷十五

卷十八

崇禎義烏縣志

一函六冊

著者：（明）熊人霖

影印：義烏市志編輯部

地址：稠城鎮康園路30號

郵編：322000

印制：杭州蕭山古籍印務有限公司

二〇〇四年十月第一次印刷

工本費：三〇〇〇圓

主持：吳潮海
承辦：傅健

準印證號：浙內圖準字（2001）第170號

義烏縣志卷之十三

人物傳

孝友

呂覽曰夫孝三皇五帝之本務萬事之綱紀也執一術而百善至百邪去天下順者其惟孝乎故孝感天地動神明豈細行也哉余以春秋祀顏烏廟觀其塚依然在焉竒矣已而問道旁行人無不能嘖嘖道烏傷事者何數千年後猶令人景慕至此也豈非孝之至乎語曰不精不誠不能動人況於烏乎嗣是有棲

蘊周祖仁朱環龔曇接踵於世豈所謂聞風興起者
耶雖無文采可見異績可紀然廬墓一節蓋較然不
欺其志者矣余故並列之于志與顏烏同施後世以
激夫砥行立名者

秦

顏烏事親孝父亡負土成塚群烏啣土助之烏吻皆傷
因名縣曰烏傷

宋

樓蘊字季發圖南從兄也性至孝母喪廢櫛沐葢酪不

入口結廬墓左繞塚哀號塚下耕者為之墮淚負土築塚日自課三十肩塚高數仞鄉人合辭請於郡邑刺史遣從事即其廬勞之且問狀固辭曰此人子之嘗不願賞歲時祭享不用釋老楮幣終其身巫祝不至門人稱曰樓孝子呂成公銘其墓龔右史應之請於

朝從祀顏氏永慕廟

周祖仁大亨之子也居親喪廬於墓側朝夕哀慟甘露降於墓栢人稱之曰周孝子

朱環字君玉襁褓時無見號穀仲父桂奇之養為子桂
後生壁因外環環事之益孝謹凡勞事皆服行寒暑
不避時境內多盜白晝劫人財桂有金數百兩與壁
謀瘞窖中壁夜發去反誣環桂怒褫環襦袴立之大
雪中一日夜環恂恂謝過無一言辨其寃桂猶日虐
環五六年間瀕死者數四恒受之不怨桂死遇壁益
厚子慶多暴或嫁以殺人罪環憂不能食竭私財救
之慶獲免環善讀書寶祐間嘗舉鄉貢進士年八十
六終於家孫震承亨

國朝

龔曇字汝霖天性孝友年十七以父殯隨伯兄淳於易
州官舍卧病報聞即匍匐迓歸躬侍湯藥衣不解帶
比卒哀毀殯塋如禮以父早逝事母尤謹幾四十年
母卒遂廬於墓苦塊餽粥奠獻悲號三年如一日墓
前孤鶴長唳人以為孝感所致有司以

聞旌表其門

賜八品散官

楊芾字仲彰進士楊焯之孫世居邑赤岸從陳樵黃潛

游孝行夙著 國初王禕宋濂等薦之

太祖特聘試策擢居內翰以母老 賜歸終養號鶴岩
崇祀鄉賢所著有百一稿諸集

金文亮字汝弘別號寅所總角入成均延勝友讀書天
屈寺才名藉甚大司成鄧文潔公每試輒以公冠軍
三試南闈不偶既而自念奈何以獨子勞苦吾翁治
生為即棄觚督家色養承歡而以經筵課子比歷資
當謁選公笑曰吾以事親也早棄觚而惡用是鷄肋
為者遂焚其牒一意溫清亡何而丁括捲之哀幾至

戒性顓忍傷乃考心恒夕涕于枕而朝觴於堂也丁
未公子成進士補中書舍人公父南湖公年已八十
二七箸目有加焉居亡何以考終公喪之如所以喪
母者廬墓數月遂病肺世俊時卽吏部方柄用聞之
亟請歸醫藥百方疾良已間歲乃考終癸丑以世俊
中書考滿拜封己累贈至太師守卿

昔者先王受命天下之時也

天下未定之時也

天下未定之時也

天下未定之時也

天下未定之時也

天下未定之時也

氣節

天地有正氣而人得以生故殺身成仁舍生取義孔
孟所深嘉焉烏節義之士如王待制龔給舍載在名
臣者尚矣其次若楊喬以餓死而却桓帝之強昏樓
璉激妻言而死靖難之草詔喻南強抗當路而脫陳
亮之羅織陳昭納告身而贖陳堯臣之誣獄王稔冒
危險而收方孝孺之遺骸峻節勁行盖有大過人者
焉其凜然列丈夫之槩乎乃若駱賓王草檄斥武后
之罪狀黃中輔題詞譏秦檜之議和不勝鞅鞅逞於

一擊幾不免虎口危矣哉然其感時憤事發於忠肝
義膽此亦有所長非苟而已也余故並列之氣節無
使與叛人狂士同類而共笑之焉

漢

楊喬本河東人高祖茂從光武為威寇將軍封烏傷新
陽鄉侯建武中就國傳三世以罪國除因家焉父扶
字聖儀為武源令遷交趾刺史有能名喬為尚書儀
容偉麗數直言政事嘗䟽薦合浦孟嘗異政竇武表
薦張稜及喬等文質彬彬明達國典桓帝愛其才貌

詔妻以公主固辭不聽遂閉口不食七日卒方孝孺
贊曰人之器量有小有大或盜一錢或讓天下天下
雖大一錢之積觀其用心大者可識吾謂楊喬可為
三公屈以非義萬鍾不從曷繇知之有大人節帝女
不娶利豈能奪其中所重在義與道視卓操輩穿窬
之盜伊誰可方孺子之倫永言尚友卓哉二人

唐

駱賓王七歲能賦詩與盧烱隣王勃楊炯文詞齊名海
內稱為四傑父宰博昌宦遊十年初為道王府屬嘗

使自言所能賓王不答歷武功主簿裴行儉總管
州表掌書記不應上啓陳情終養詞旨哀愴有李令
伯之風焉調長安擢侍御史以武后即位数上疏言
事因得罪詔獄賦螢火詠蟬諸篇以見志武后釋其
罪下除臨海丞有惠政祀名宦祠後棄官去徐敬業
舉義署為府屬傳檄天下斥武后罪狀后讀且嬉笑
至一杯之土未乾六尺之孤安在矍然曰誰為之或
以賓王對后曰宰相安得失此人敬業敗賓王亡命
不知所之久之來考工之間以貶黜放還至江南遊

靈隱寺步月長吟為詩曰鷲嶺鬱岩嵒龍宮鎖寂寥
第二聯搜奇思終不如意有老僧點長明燈坐大禪
床問曰少年夜久不寐而吟諷甚苦何耶之問答曰
弟子業詩偶欲題此寺而興思不屬僧曰試吟上聯
即吟與之再三吟諷因曰何不云樓觀滄海月門聽
浙江潮之問愕然訝其適麗遲明更訪之則不復見
矣寺僧有知者曰此駱賓王也之問詰之曰當敬業
之敗與賓王俱逃捕之不獲將帥慮失大魁得不測
罪時死者數萬人因求戮類二人者函首以獻後雖

知不死不敢捕送且以匡復為名人又多護脫之故
敬業得為衡山僧年九十餘乃卒賓王亦落髮為僧
遊名山至靈隱以同歲卒返葬故里今上楓塘有賓
王塚云中宗時詔求其文得數百篇至今盛行於世
學士家無不人人膾炙焉

論曰汪司馬云駱賓王附李敬業荷義戈志在掃挽
槍而新日月即沈淪落魄不失為節俠慷慨之士彼
實騫其行無人乎五步之內銳于聞捷一擊不中卒
以不振若天老其才養晦俟時而動五王之烈方茲

幾矣誠哉是言乃作史者書曰賓王以反誅是以成
敗論人也以成敗論人此豪傑多千載不白之冤而
裴行儉評論器識數語則榮名貌士者耳烏足以稱
衡鑒余特採其遺事悉記之傳以俟好古者稽焉

宋

喻南強字伯強從陳亮遊亮為當路排陷罪不測門人
畏其威噤不敢出穀南強從兄仰與同志生極力營
救幾蹈羅織南強尤義形辭色後葉適及諸臺官備
伸亮寃狀卒直之慶元間連貢於鄉入太學晚奉南